

شہید الفرائض

اثر

خواجہ امین افندی زادہ

علی مہر

محکمہ تمیز اعضاسندن ومکتب حقوق وملکیہ شاہانہ معلمندن



اشبو کتاب باب والای فتوایناہیدہ کی مجلس مخصوصہ تدقیق
وقبول وتصدیق اولندقدنصرکہ معارف نظارت جلیله سنک
فی ۱۷ جمادی الاخرہ سنہ ۳۲۲ و فی ۱۷ تموز سنہ ۳۲۰
تاریخلو و ۴۴۳ نومرولی رخصتنامہ سیلہ طبع اولتمشدرہ



مؤلفک مہر ذاتیسیلہ مہورا اولیان نسخہ ساختہ ومتجاسری مسؤلدر



استانبول

(آ. آصادوریان) شرکت مرتبہ مطبعہ سی — باب عالی جادہ سنہ

نومرو ۵۲

۱۳۲۲

بِسْمِ اللَّهِ الرَّحْمَنِ الرَّحِيمِ

الحمد لله حمد الشاكرين والصلاة والسلام على سيدنا محمد
خير المرسلين وعلى آله واصحابه الطيبين الطاهرين اما بعد بورساله
بر مقدمه ايله اون بش باب و بر خاتمه اوزرينه ترتيب و تسهيل
الفرائض اسميله تلقيب ايدلمشدر و بالله التوفيق وهو نعم الرفيق

مقدمه

علم فرائضك تعريفى و مأخذى و موضوعى و غايتى و اركانى
وارثك شروطى بياننده در

۱ مسئله

علم فرائض، فقه و حسابدن شول اصول و قواعد علمدر که
آنکله هر کسک یعنی مثلاً هر وارث و داینک ترکه دن اولان
حقى بیلنور شرح قلائد المنظوم.

۲ مسئله

علم فرائض، ادله اربعه نك يالکنز اوچندن اخذ اولنمشدر که
برنجيسى، کتاب یعنی قرآن عظیم الشاندر. بتک و زوجک
و زوجنه نك حصه لرى کي. ايکنجيسى، سنتدر. نحو قوله.

عليه السلام اطعموا الجدات السدس سيد. بنت الابن ايله
جده نك يعنى مثلا ام الامك حصه لرى كبي. او چنجيسى، اجماع
امتدر. جدى، اب وابن الابنى ابن وبنت الابنى بنت كبي
قلمق مثللو. اما قياسك بو علمده مدخلى يوقدر من المحل
المزبور ورد مختار

۳ مسئله

علم فرائضك موضوعى تركات اولديغى كبي غايى دخى
حقوقى اصحابنه ايصالدن عبارتدر من المحل المزبور.
تركات، تركه نك جمى اولوب تعريفى يدنجى مسئله ده بيان
اولنه جقدر.

۴ مسئله

علم فرائضك اركانى اوچدر. وارث ومورث وحق
مورثدر. ايمدى زيد فوت اولوب اوتوز آلتونلق مالى
واوغلى عمروى وقزى زينبى ترك ايتدكده عمرو ايله زينب وارث
وزيد مورث واوتوز آلتونلق مالى حق مورث اولور من
المحل المزبور.

۵ مسئله

علم فرائضك بحث ايلديكى ارثك شروطى دخى اوچدر.
برنجيسى موت مورثدر.
بو موت دخى اوچ وجهله اولور.
۱ حقيقه موتدر كه ظاهر در .

۲ حکما موتدر . مفقودك وفاتيه حکم کبی یعنی شول
مفقودکه وقت ولادتندن اعتباراً طقسان یاشنی اکمال ایدہ
حاکم اصولنه توفیقاً آنک وفاتیه حکم ایدر . بوبابده معلومات
مفصله آرزو ایدنلر « رساله مفقود » نام اثرمزه مراجعت
ایتسونلر .

۳ تقدیراً موتدر . شول جنیکه « آنا رحمنده کی ولد »
آندہ غره لازم کلور بوجین تقدیراً وفات ایتش عداولنه رق
جنین مرقوم مورث و مذکور غره موروث اولور رد مختار .
بوجنیک حیاتنک تقدیری اولسی شوننددرکه بونک حقیقه
حیاتی ذاتاً مسبوق و والده سندن حیا تولد ایتش دکلددر .

غره ، اسقاط جنین ایدن کیمسه اوزرینه لازم کلان
دیتدرکه بشیوز درهم کموشدن عبارتدر .
ایکنجیسی ، مورثک وفاتی زماننده وارثک برحیات
بولنمیدرکه بوده ایکی وجهله اولور .

۱ حقیقه برحیات اولورکه ظاهردر .

۲ حکماً برحیات اولور . حمل کبی . حملک وارث اولسی
مسئله سی باب ثالث عشرده تفصیل اولنور . بناءً علیه تاریخ موت
مجهول اولورسه ارث یوقدر . حرقی ، هدمی و غرقیده اولدینی کبی
یعنی یکدیگره اقرباً اولان ایکی کیمسه برکیمده بولنوبده
مذکور کمی باتمقله ایکیسیده بوغولوب قنغیسی اول بوغولدینی